

八瓊室金石補正

八瓊室金石補正卷十

太倉陸增祥撰

男 繼輝校錄

吳興劉承幹覆校

前秦

鄭能邈修鄧太尉祠碑

高三尺三寸廣二尺八行半行廿九字後題名兩
截上截上列九行下列七行下截十一行行字不一
字徑寸許分
書在蒲城

大秦苻氏建元三年歲在丁卯馮翊護軍建威將軍奉
車都尉城安縣侯華山鄭能□字宏道聖世鎮南參軍
水衡都尉石安令治書侍御史南軍督都水使者被除

爲護軍甘露四年十二月廿五日到官以北接元翔給
兵三百人軍而吏屬一百五十人統和甯戎鄜城洛川
定陽五部領屠各上郡夫施黑羌白羌高涼西羌靈水
白虜支胡粟特苦水雜戶七千夷獯十二種燕統夏陽
治在職六載進無異才履性忠孝事上恪慤夙夜匪解
以太尉鄧公祠張馮翊所造歲久頽朽因舊脩飭故記
之以其年六月左降爲尙書庫部郎護軍司馬馬奉車都
尉開內侯始平解虔安臣文聖卅水衡令蒲子北掘令
安邊將軍司馬都水叅軍被除爲司馬
軍叅事北地靈武孟□完廣

軍叅事和戎鉗耳□□龍

軍門下督和戎鉗耳□世席

軍功曹和戎鉗耳叵當世興

軍主薄河西臨晉楊萬世和

軍主薄和戎雷夫龍道歲

軍主薄河西重泉范高延思

軍主薄和戎雷道子安

軍主薄和戎雷川玉光右上一載弟一列

軍主薄和戎雷永景文

軍主薄和戎西羌騎世龍

軍錄事和戎雷顏道□

軍錄事和戎宣陸道

軍錄事和戎雋蒙琿子諒

功曹書佐和戎雷陵道進

功曹書佐和戎雋蒙龍彦詳

第二列

軍叅事北地富平楊洸少論

軍門下督馮翊朱進並石

軍功曹甯戎蓋周彦容

軍主簿甯戎郝子星永文

軍主簿甯戎屈男童道詵

軍主薄甯戎賞共永哀

軍主薄甯戎雷樹進饒

軍錄事馮翊呂騫嶢蒼

軍錄事甯戎賞投欽詳

軍功曹書佐甯戎利非闕永達

治下部大鉗耳丁比

以上下截字蹟較大
首行卽在文尾下方

右修鄧太尉祠碑首題大秦苻氏建元三年歲在丁

卯攷建元之號漢武帝晉康帝劉聰皆嘗稱之此加

苻氏於建元之上意欲別於前代而失紀事之體蓋

武臣不學者所爲也碑爲馮翊護軍鄭能進修祠而

作先云以甘露四年到官又云在職六載末云以其
年六月左降爲尙書庫部郎自甘露四年壬戌至建
元三年丁卯恰是六載吾友吳白夫撰金石存列此
碑於曹魏之世而未見全文但以甘露紀年意之不
知其爲苻秦之甘露非魏甘露也碑書膚施爲夫施
北屈爲北掘皆以音同假借而題名軍主簿數人字
皆從艸則以去漢未遠間存古法也鄧太尉卽魏之
鄧艾水經注濮陽城南有魏使持節征西將軍太尉
方城侯鄧艾廟尙有艾碑秦建元十二年廣武將軍
兗州刺史關內侯安定彭超立此別是一碑亦見艾

之威德及人久而不忘也艾從父聲今人讀艾又爲兩音實則一聲之轉古人無甚區別如鼂錯之錯不妨去入兩讀矣魏志艾始封方城亭侯進封方城鄉侯又進封鄧侯而水經注但稱方城侯豈以封號與姓相涉舉舊封以示別歟抑史有誤文歟

潛研堂跋尾

碑磨蝕事蹟多不屬其文有馮翊護軍建威將軍奉車都尉城安縣侯字下名氏不可見又云鄭能遠字宏道聖世鎮南參軍水衡都尉石安令治書侍御史降南軍督都水使者

缺

除爲護軍甘露四年十二月

廿五日到官以北接元朔給兵三百又屠刀百五十

八統和甯戎鄜城洛川定陽五部領屠各上郡夫施

缺

白羌高德西羌盧水白虜支胡粟

缺

苦水雜戶七

千夷額十二種後言以太尉鄧公祠頽朽因舊修飭
遂以其年左降爲尙書庫部郎至祠成之歲不可攷
矣水經注濮陽城南有魏使持節征西將軍太尉方
城侯鄧乂廟廟尙有乂碑秦建元十二年廣武將軍
兗州刺史關內侯安定彭超立後秦去魏未遠人感
鄧侯風烈爲之置祠宇如余所收甘露四年殘碑又
其一也衛從稱屠刀百五十人亦當時遺制世蓋罕

從聞焉

授堂金
石續攷

右苻秦脩鄧太尉祠記但自敘其所歷官而脩祠祇以數語了之較之言不能文而刺刺不休者可謂直捷爽快矣碑隸書前半頗有法度後半自軍參事題名以下極醜惡似出兩人所書以苻秦碑刻甚少而此又稍完故錄之

趙紹祖金石文鈔

苻秦石刻傳於今者惟陝西宜君縣之建元四年廣武將軍□產碑及此耳□產碑王侍郎金石萃編已載之其首行有建元四年歲在丙辰字武虛谷大令授堂金石跋據此以駁紀元彙攷作戊辰之非今刻在其前一年而稱歲在丁卯則□產碑丙字乃戊子

之誤明矣□產碑有碑陰其題諸官姓名有所謂酋
大王酋大及某部大王某部大者今此碑之末亦有
治下部大之稱蓋皆其所置官屬之名也又其複姓
有僂蒙者二攷廣韻去聲僂下云西羌複姓有僂蒙
氏又其複姓有鉗耳者三見周保定四年聖母寺像
碑宋刻汝帖亦收有隋鉗耳君碑又有一人稱利非
□永遠者亦似複姓攷聖母寺碑有複姓荔非者三
人又新唐書李光弼傳有裨將荔非元礼蓋荔非卽
利非皆羌酋之複姓也趙氏金石錄有方城侯鄧艾
碑不著年代亦不言在何地其跋下注晉時立亦不

言何人此文則云太尉鄧公祠張馮翊所造碑在
今陝西蒲城縣山陽吳氏金石存既不知碑之所在
又因文中有甘露四年而未審出前之建元三年誤
作三國時魏碑所錄全文又多脫誤外舅潛研堂金
石文跋尾第四集有此碑之跋攷之甚詳大略本趙

德甫之言

古泉山館
金石文編

癸酉夏有攜此舊拓本求售者前秦石刻極少萃
編載有廣武將軍□產碑此外僅有斯耳亟購存
之據云此碑及□產碑均已不存果爾則尤宜珍
惜矣曩校金石續編未見拓本原書有目無文僅

據筠清館錄補今以墨本勘之知尙有舛錯也趙
琴士所錄亦多譌脫武授堂亦不能無誤給兵三
百人軍而吏屬一百五十人武氏釋人爲又并脫
三字又釋屬一爲屠刀且爲之說曰衛從稱屠刀
亦當時遺制一誤再誤矣夷類之類疑是類字或
卽類字而武氏釋作類亦非至所謂甘露四年殘
碑者未知何碑疑卽此碑殘本武氏未之對勘也
題名數行隸法略涉放縱仍不失漢人矩矱趙氏
遽以醜惡詆之非余所知焉題名內有複姓屈男
者按元和姓纂有屈南云屈原裔孫仕後魏重複

姓以自南來乃加南字或作屈男據此刻則後魏
之前已有此姓南來加字之說恐非確實或屈男
與屈南異系後人以音近合併爲一姓亦未可知
昨和拔祖造象碑亦有是姓利非亦作麗飛魏書
官氏志云與荔菲同承鉗耳元和姓纂作箝耳石
刻均作鉗耳修祠者鄭能邈見承安年段繼昌碑
當時石或未泐可據以定之諸家或釋作進或釋
作達皆非

立界山石祠碑并陰

建元四年十月一日 萃編載
卷廿五作廣武將軍口產碑

額題立界山

石祠五字

撫夷護軍

缺夷字

密拂

□

□

嚴特挺

缺密字嚴字拂字

綏

懷

缺字

聚

屋

蕭張

缺屋張二字

順序

缺順字

而至

缺至字

導

□

萬

缺萬字萬上似我字

威暢

八賓

缺賓字

皆道

□

□

皆作

碑陰

兵曹董耆

缺耆字

兵曹秦烏

缺烏字

功曹董陷

陷作石

□

生

□

曜

□

幹

□

深

□

聿

□

未行全缺

右廣武將軍□產碑在宜君縣碑已殘泐前敘其先

世次敘其政績末有官名疆界似是紀功立界之碑

碑首維大秦建元四年歲在丙辰秦苻堅以晉哀帝

興甯三年改元建元其四年當晉廢帝太和三年歲

當在戊辰而碑云丙辰是撰文人誤記碑末有銘不
書銘曰亦變例也碑陰有夫蒙頭夫蒙彭□部夫蒙
護部夫蒙大毛部夫蒙傷大部夫蒙大祁部夫蒙進
部夫蒙犁部當是所屬部落名新唐書突厥傳有夫
蒙靈訶當卽其遺種元和姓纂夫蒙今同蒲二州多

此姓

平津讀
碑記

此拓爲東武劉氏故物從張松坪借校之潛研堂
目據額題立界山祠碑較爲確實從之其以四年
爲二年則誤也關中金石記訪碑錄亦作二年皆
非縣紀卽累紀異文八寶卽八演省借

後秦

遼東太守呂憲墓表

高一尺三寸廣九寸五分六行行六字字徑一寸三分方界格橫額題墓表二字俱分書

宏始四年十二月乙未朔廿七日辛酉秦故遼東太守
略陽呂憲塋於常安北陵去城廿里

右呂憲墓表在西安後秦姚興宏始四年當東晉
元興元年卽安帝隆安六年也通鑑目錄是年十
二月乙未朔與此正合案呂憲後涼人十六國春
秋呂氏略陽氏人呂憲纂之從叔也爲建節將軍
遼東太守與碑所稱合惟碑不言建節將軍耳宏

始四年當呂隆神鼎二年後涼未滅而憲之署銜
系於秦者隆以神鼎元年降秦秦拜隆爲使持節
鎮西大將軍都督河西諸軍事涼州刺史建康公
隆遣母弟愛子文武舊臣慕容筑楊頴史難閭松
等五十餘家人秦爲質呂憲蓋在五十餘家之內
故系於秦而葬於常安也常安卽長安常長古通
宋

永初甄文

長一尺四分厚一寸
五分字徑七分分書

永初元年七月□□□□□

漢安帝宋武帝皆號永初字體不似漢人蓋劉宋時物也

元嘉甄文七種

一長一尺八分廣五寸五分
一厚一寸四分正書藏子家

宋元嘉十七年五月作

甄爲土蝕字不甚顯左上角缺損宋字半存

一長一尺一寸寬五寸三分上厚一寸
一分下厚二寸二分正書藏子家

宋元嘉十八年

一並同
前

宋元嘉十八年
端在

徐側在

甄雜土礪爲之質脆易裂余收得十餘出徐字明

顯者僅一耳

一長一尺一寸二分廣五寸
厚一寸六分正書藏子家

太歲癸未李作

側在右

宋元嘉廿年李作

側在左

辛作癸按弔比干墓文碑殷辛字作癸此作癸幾
與古文癸字無別矣元嘉廿年歲直癸未辛未乃
八年也右側題字蓋用舊模爲之相距已十二年

一長一尺二寸廣厚一
寸七分分書在子家

元嘉二年太歲乙酉六月戊子

朔壬辰立

丁丑十一月於桐軒寄贈亦仁和垞所出者似隸
似篆其一側等飾同大明甄六月戊子朔與通鑑

目錄合

一長一尺二寸三分廣六寸四分厚一寸九分正書藏予家

宋元嘉廿六年

一並同
前

宋元嘉廿六年

在側

翼

在端

余得是甄六由有虞字者僅此翼卽虞字少一筆
癸酉出甄此爲最巨

甯州刺史爨龍顏碑并陰

高一丈五寸廣四尺一寸廿四行行四十五字字徑寸額高二尺八寸中穿徑五寸六分穿上六行行四字題宋故龍驤將軍護鎮蠻校尉甯州刺史卽都縣侯縣使君之碑廿四字並正書在陸涼州東南二十里貞元堡

君諱龍顏字仕德建甯同樂縣人其先世則少昊顓頊

之元胄才子祝融之眇胤也清源流而不滯深根固而

不傾夏后之盛敷陳五教勲隆九土純化治于千古仁

功播於万祀故乃耀輝西岳霸王郢荳子文詔德於春

秋斑朗紹繼於季葉陽九運否蟬蛻河東逍遙中原斑

彪刪之漢記斑固述脩道訓爰暨漢末菜邑於縣因氏

族焉姻婭媾於公族振纓蕃乎王室迺祖肅魏尙書僕

射河南尹位均九例舒翮中朝運運庸蜀流薄南人樹
安九世千柯繁茂萬葉雲興卿望標於四姓魁冠顯於
上京瑛豪繼體於茲而美祖晉甯建甯二郡太守龍驤
將軍甯州刺史孝龍驤輔國將軍八郡監軍晉甯建甯
二郡太守追謚甯州刺史卽都縣侯金紫累跡朱轂充
遊君承尙書之元孫監軍之令子也容貌瑋瑋於時倫貞
操超於門友溫良沖挹在家必聞本州禮命主簿不就
三辟別駕從事史正式當朝靖拱端右仁薦顯於朝野
清名扇於遐邇舉義熙十年秀才除郎中相征西鎮選
南蠻府行參軍除試守建甯太守剖符本邦衣錦晝遊

民歌其德士詠其風於是貫伍鄉朝卒州司馬長史而
君素懷慷慨志存遑御万里歸闕除散騎侍郎進無佗
容退無愠色忠誠藺於帝心芳風宣於天邑除龍驤將
軍試守晉甯太守輅車越斧金章紫綬棨戟憧慄襲封
邛都縣侯歲在壬申百六邁豐州土擾亂東西二境凶
豎很暴緬成寇塲君收合精銳五千之衆身伉矢石櫟
碎千計肅清遑隅君南中磐石人情歸望邇今号龍驤
將軍護鎮蠻校尉甯州刺史邛都縣侯君姿瑛確之高
略敦純懿之宏度獨步南境卓尔不羣雖子產之在鄭
篋以加焉是以蘭聲既暢福隆後嗣者矣自非愷悌君

子孰能若斯也哉。早天不吊，發疾弥篤。享年六十一歲，在丙戌十二月上旬薨。梨口痛悼，宋夷傷懷。天朝遠感，追贈中牢之饋也。故吏建甯趙吹之巴郡杜長子等仰哀，口德永慕。元澤刊石，樹碑褒尚，休烈其頌曰：

巍巍靈山，峻高迢遙。或躍在淵，龍飛紫闥。邈邈君侯，天

姿瑛哲，縉紳踵門揚名。四外束帛，茭茭禮聘。交會優遊，

南境恩沾。華襄撫伺方岳，膝殘去熬。悠哉明后，德重道

融。綢繆七經，騫騫廷躬。鳳翔京邑，曾閔比蹤。如何不吊，

遇此繁霜。良木摧枯，光暉潛藏。在三感慕，孝友哀傷。銘

述元石千載垂功

祖已薨背孝志存銘記良願不遂奄然身終嗣孫碩子
等友乎哀感仰尋尋訓永慕高蹤控勒在三仲秋七月
登山萊石樹立元碑表殊勲於當世流芳風於千代故
記之

甯州長子驍宏早終次弟驍紹次弟驍暄次弟驍崇等
建樹此碑

太明二年歲在戊戌九月上旬壬子蒲嗣孫碩
□□□

碩□碩萬碩思碩□碩羅碩闔碩俗等立

近碑府主薄益州杜葭子

文建甯縣道慶作

碑陰

左右各三列每
列行字不等

府長史建甯縣道文

鎮蠻長史建甯縣世明

司馬建甯縣德民

司馬建甯縣順靖

錄事參軍武昌郡劉觀

錄事參軍建甯毛瑋子

功曹參軍建甯孟達倫

功曹參軍朱提縣融之

倉曹參軍建甯縣登

倉曹參軍牂柯謝國子

戶曹參軍建甯周賢

戶曹參軍南廣楊道育

七兵參軍鴈門郡王令□七兵參軍建甯縣孫記

府功曹建甯縣□

蠻府功曹建甯李延祖

主蔣建甯趙道才

以上右方第一列

主蔣建甯孟令孫

主蔣建甯孟順德

以上右方第二列

錄事孟林

別駕建甯燕敬祖

西曹劉道善

治中晉甯趙世茂

戶曹尹仲

常

主蔣建甯燕德融

記室張琳熬

主蔣建甯孟琳明

朝直張世保

西曹建甯楊琮

麾下都督王道盈

西曹晉甯駱雄

以上左方第一列

尹頭

文

□□康

以上右方
弟三列

門下建甯燕連

門下張尋

錄事弋陽郡舒征

錄事萬敬

西曹建甯周令活

西曹尹開

戶曹建甯陳世敬

戶曹來恭子

省事安上輿稚圭

省事李道學

書佐建甯孟羅

書佐單仲

幹張孫明

以上左方
弟二列

幹盛庾子

以上左方
弟三列

此碑文體書法皆漢晉正傳求之北地亦不可多得

乃雲南第一古石其永寶護之總督阮元

分書

道光七年知州□□建亭

此二則刻碑末二行下尙有知州邱均恩一跋不錄

右宋故龍驤將軍護鎮蠻校尉甯州刺史卽都縣侯
爨使君之碑在雲南陸涼州蔡家堡爨君墓前碑高
丈餘有穿有陰額在穿上大明二年故吏趙吹之杜
葭子等所立文爲爨道慶作正書兼用隸法饒有樸
拙之趣爨君名龍顏字仕德建甯同樂縣人迺祖肅
仕魏爲尙書僕射河南尹君於晉義熙十年舉秀才
除郎中遷南蠻府參軍試守建甯太守歸闕除散騎
侍郎試守晉甯太守遷本號龍驤將軍護鎮蠻校尉
甯州刺史卽都縣侯卒於丙戌案爨本蠻夷唐書所

稱東爨烏爨西爨白爨是也碑敘世系遠舉楚之子
文漢之斑固風俗通云斑姓楚令尹鬬斑之後案斑
爲子文之子左傳作般猶公輸般一作斑碑雖傳會
亦有典據爨氏見於載記者華陽國志昌甯大姓有
爨習蜀志建甯大姓有交州刺史爨深梁武帝以爨
瓚爲甯州刺史有二字曰震曰翫隋開皇十七年翫
反史萬歲討降明年入朝被戮其子宏達唐武德中
爲昆州刺史又垂拱中昆州刺史爨乾福見唐書張
柬之傳
南詔碑有南甯州都督爨歸王昆州刺史爨日進梨
州刺史爨祺螺山大鬼主爨彥昌南甯州大鬼主爨

崇道至後晉有龔判借與段思平兵以敗楊干貞是龔氏自魏歷十數代未衰也碑中多假借及別體字如紹蹤作紹縱鉞斧作越斧簪纓作振纓九列作九例采石作菜石幢蓋作幢愷班作斑耀作耀匪作逕匠作近淵作測麟作驎龔作龔兩顯字並作顯集古錄云漢綏民校尉熊君碑其書顯字皆爲顯莫曉其義馥案濕水禹貢孟子漢書地理志並作濕字蓋隸變鼎爲累也謚從益不從盆與魯峻碑同戴侗謂唐本說文有謚無謚是從謚爲正體可證徐本說文之誤碑陰幹卽幹字漢碑陰亦有洪氏隸續言之詳矣

其頌以闔哲殺與邇外會襲爲韻案廣韻殺所界切
禮不豐不殺卽此音曹黃帝贊以哲韻制王粲誄以
闔韻又是也又以霜藏傷與融躬蹤功爲韻案東方
朔七誄以當韻功陳琳大荒賦以邇韻躬陸雲府君
誄以章韻蹤可爲比照也

桂馥跋

碑在曲靖府陸涼州東南二十里貞元堡立於荒阜
之上以今尺度之高九尺廣四尺五寸厚八寸有額
刻有穿窬之左右又如穿陽文盤螭二條下作正書
六行每行四字共二十四字爲額字大與碑文同再
下正中又作陽文盤螭形碑之正文二十四行行四

十五字字體方正楷隸之間畢肖北魏各碑北派
書法碑文體制古茂得漢碑遺法非唐宋人所及此
乃滇中最古之石極可寶貴漫漶處僅十餘字較唐
南詔碑完善多矣滇繫內釋文誤者二十一字逸者
九十九字今正之補之案爨姓氏書不多見戰國策
有魏爨襄鄭樵通志爨氏望出晉昌後漢河南尹爨
肅見謝承後漢書今碑爨龍顏於史無考建甯同樂
當是同樂縣人碑云試守建甯晉甯二郡太守及護
鎮蠻校尉甯州刺史案三國漢建興二年改益州郡
置建甯郡晉置甯州建甯郡及同樂縣劉宋因之當

卽今曲靖府等地也同樂縣當卽今陸涼州也晉甯
郡當卽今晉甯州雲南府地也唐書兩爨蠻傳自曲
州靖州西南昆川曲輓晉甯喻獻安甯距龍和城通
謂之西爨白蠻自稱鹿舂牂二州南至步頭謂之東
爨烏爨案曲州靖州等處今已在雲南省治之東唐
時謂之西爨然則東爨當在今貴州興義府普安州
等地卽碑所云東西二境今曲靖白黑獠羅皆二爨
之苗裔也碑云邽楚子文及斑明斑彪斑固蓋言是
楚令尹子文之後爲斑姓漢末改爲爨氏有仕於魏
晉者有分支入滇據地爲豪傑者故華陽國志載諸

葛武侯南征收其俊傑建甯龔習官至領軍也又云
迺祖肅魏尙書僕射河南尹君尙書之元孫與鄭樵
通志合謝承書雖亡而通志可據惟肅之仕曹魏與
習之仕蜀漢同時今龍顏爲肅元孫習自是肅之孫
龍顏之祖爲晉所命來滇爲晉甯建甯二郡太守而
龍顏襲之者也又云龍顏初爲本州命主簿不就又
三辟別駕從事史至義熙十年舉秀才除郎中除建
甯太守剖符本邦蓋以建甯人爲本郡太守又爲本
州司馬長史歸闕後又爲晉甯太守又云歲在壬申
百六邁疊州土擾亂東西二境君收合精銳五千之

衆身伉矢石肅靖邊隅云云王申爲宋文帝元嘉九年宋本紀是年九月妖賊趙廣寇益州陷沒郡縣州府討平之當卽此事也又云龍顏享年六十一歲在丙戌十二月上旬薨是爲宋文帝元嘉二十三年上距生年在晉孝武帝甯康十一年也義熙十年舉秀才時二十九歲王申歲靖邊隅封卬縣侯則四十七歲也龍顏有四子長子麟宏早終碑爲麟紹麟暄麟崇三人所建孫九人碩子碩□碩□碩萬碩思碩□碩羅碩闔碩俗其襲官者當卽碩子也匠碑益州杜葺子自是監造碑刻之人非刻碑匠也杜葺子當卽

是碑中所云故吏巴郡杜長子也文爲同姓人建甯
爨道慶所作碑立於太明二年歲在戊戌九月上旬
壬子朔太明宋書作大明蓋孝武帝時之大明讀者
皆如太也碑文辭藻頗富用易蹇蹇匪躬作騫騫自
是彼時文字俗異非周易有此異文碑中如以班爲
斑以瑛爲英以顯爲顥皆與北魏碑字體相同嘗歎
劉宋蕭齊八十年間字內竟無片石偉哉此碑遠立
邊裔至今巋然爲趙宋以來錄碑諸家所未見卽乾
隆間王司寇和在滇搜訪金石亦未之見今得此搨
本摩挲考釋亦幸甚也

阮福跋

按爨龍顏建甯同樂縣人祖父以來世爲晉甯建甯

二郡太守甯州刺史宋書地理志甯州刺史今領建

甯晉甯牂牁平蠻夜郎朱提南廣建都西平西河東

河陽雲南興甯興古梁水十五郡建甯太守漢益州

郡滇王國劉氏更名

晉書

領縣十三同樂令晉武帝

立晉甯太守晉惠帝永安

太安之誤

二年分建甯西七縣

爲益州郡懷帝更名

晉書永嘉二年改益州郡曰晉甯

合攷三國志

晉書華陽國志南中志大同志通鑑諸書蜀漢建興

三年諸葛亮南征改益州爲建甯以李恢爲太守移

南中勁卒爲五部分配大姓焦雍婁爨孟量毛李爲

部曲號五子故南人言四姓五子

卽碑所云鄉望標於四姓收其

俊傑建甯爨習爲官屬習官至領軍魏咸熙初建甯

爨谷爲交趾太守爨谷卒爨能等將兵晉武帝泰始

七年分益州之建甯興古雲南交州之永昌合四郡

爲甯州太康中罷甯州置南夷校尉統五十八部夷

族惠帝太安初南夷校尉李毅行部永昌從事孫辨

上南中形勢七郡斗絕晉弱夷強應復甯州以相鎮

尉詔復置甯州增統牂牁益州朱提合七郡爲刺史

加龍驤將軍成都縣侯後南夷屢叛李雄稱帝建甯

大姓爨量爨深附之

通鑑晉永興二年建甯爨彊歸李雄

南中盡爲李

氏所有乃分甯州置交州以爨深爲交州刺史此劉
宋以前甯州建置分合之大略爨氏之所由強也爨
木邑名因爲氏族戰國時巴甯爨襄見魏策此爨氏
之最先者碑云迺祖肅魏尙書僕射河南尹元和姓
纂河南尹爨肅見謝承後漢書龍顏爲肅元孫其祖
父皆書爵不名晉書穆帝紀永和元年李勢將爨顏
來奔姓纂有甯州刺史爨顏或卽龍顏之祖又引蜀
志交趾刺史爨琛當是交州刺史爨琛之誤晉書王
遜傳遜使爨琛距李驤戰於堂狼深爲蜀漢時人琛
爲東晉時人相去六十餘年諸書往往誤合爨氏之

盛始於漢晉間乘中國擾亂雄長羣蠻分統其地隋唐以來西爨白蠻東爨烏蠻屢徙復振朝貢通款史不絕書此爨之著姓分土碑所謂南中磐石人情歸望者也宋書文帝紀元嘉九年九月妖賊趙廣寇益州陷沒郡縣州府討平之碑云歲在壬申州境擾亂君收合精銳肅清邊隅卽指平趙廣之亂也遷甯州刺史在討平趙廣之後考元嘉十八年十二月晉甯太守爨松子叛甯州刺史徐循討平之十九年十月以晉甯太守周萬歲爲甯州刺史皆與龍顏同時終宋之世甯州刺史之見於正史者前有應襲周籍之

後有桓閔尹懷順杜叔文符仲子費景緒費伯宏諸人而不及龍顏豈當時聲教既遠朝廷任官不能久於其地龍顏獨步南境爲衆所推襲封遷秩或不待命與史稱梁時南甯州土民爨瓚竊據一方國家遙授刺史後其子爨震恃遠不服爨翫降而復叛以碑證史則甯州爲爨氏所據不始於梁因竊據而遙授之龍顏固開瓚震之先與歲在丙戌爲宋文帝元嘉二十三年龍顏年六十有一則其生在東晉孝武太元十一年丙戌安帝義熙十年舉秀才時年二十有九碑立於宋武帝大明二年距龍顏歿時十二年矣

甯州刺史加卽都縣侯南中志作成都誤碑額左右
刻日月古所未見志稱諸葛亮爲夷作圖先繪天地
日月殆蠻俗遵之以弁石刻歟此碑足冠六朝諸碑
著錄家所未見者予於嘉慶中得此碑拓本亟爲錄

跋金石
續編

碑云祝融之眇脣眇卽眇字眇卽今之渺字猶言
遠曠也容貌作猥猥乃類之訛以瑛爲英古通漢
綏民校尉熊君碑攬瑛雄之迹兮平都相蔣君碑
□濟清瑛郭仲奇碑翼翼瑛彥皆作瑛說文瑛訓
玉光語可相通也享年作亨古字杜葭子前作長

後作萇亦古通論語公冶長史記索隱引家語作
萇可證也碑版中亦數見之抗作伉古通餘如魏
作魏黻作黻嗣作嗣蔑作蔑夷作夷褒作褒歌作
歌或作或皆當時俗體諸家所未舉者華襲華字
磨去改刻 辛未九月對墨本錄此較續編所錄
又校正八字末題云九月上旬壬子蒲蒲當卽滿
字諸家皆讀爲朔恐非若係朔日不煩言上旬通
鑑目錄是年八月壬申朔則九月朔日非壬寅卽
辛丑壬子非朔日矣惟壬寅朔則壬子是十一日
辛丑朔則壬子是十二日不在上旬之內殊不可

解又案爨龍顏見於萬姓統譜云同樂縣人仕宋
累官龍驤將軍鎮蠻校尉甯州刺史封卬都縣侯
有碑在故納河縣西三十里是此碑早經出土再
晦又再顯也統譜又載爨深興古郡人仕晉爲本
郡太守今南甯縣南十餘里有興古太守爨府君
碑爨雲建甯郡人仕魏累官驃騎大將軍開府儀
同三司南甯州刺史封同樂郡侯有碑在陸涼州
南三十里據此則爨氏尙有兩碑特無人搜訪之
耳爨深仕晉當是爨琛統譜又載爨琛爲交州刺
史則是爨琛彼此互譌矣統譜又載三國時有爨

亮爲梁州刺史

大明甄文六種

虞氏甄

長一尺一寸六分廣五寸八分厚一寸七分強正書藏予家

宋大明五年太歲辛丑七月□

以上在側

虞

在上端

字小而淺平曼者居多此尙清晰虞字較大

又

長存三寸許寬五寸四分厚一寸七分正書

虞 宋大

此虞字少一筆側存宋大二字與前甄非一範亦同時所造別有虞作虞者作虞者字皆長二寸八分又有虞字小不及寸者同出一壙側皆無題字

斷闕不完不具錄

又上截長四寸七分下截長五寸五分廣五寸二分厚一寸六分正書藏予家

宋大明五年

缺

辛丑七月

虞氏墓

得此兩截合之知爲一甌辛字半泐辛丑上當是

太歲二字

茹氏甌

長一尺一寸八分寬四寸八分厚一寸六分正書在湘陰郭氏

□明七年太

歲癸卯

六月八日茹氏造

右甌爲郭筠仙所藏首一字缺要爲大明無疑建

明昇明永明禎明承明景明乾明聖明天明開明

文明廣明貞明下一字以明紀元者七年皆不直

癸卯也癸字半蝕形模具存卯字左旁尙顯側紋

與桂氏甄同兩端均有一錢幕形郭內四出

桂氏甄

長一尺一寸五分寬四寸八分厚一寸八分正書藏予家

大明七年六月甲

辰 朔廿一

桂氏作

癸酉三月郭筠仙前輩所贈題字在右側六月甲

辰朔與通鑑目錄合左側作三錢幕形以雙線四

出繫之

又

長一尺一寸寬五寸厚一寸七分正書在湘陰郭氏

大明七年六

□□□□□氏

亦郭筠仙所藏下半曼威側紋與前一甄同上端

作魚藻形極有古致以上三甄皆出湘陰之仁和
垸同治辛未冬垸民取土培堤獲甄十數由文字
鑿飾各殊非墟墓中物也湖南通志載湘陰劉宋
故城在今縣西北五十里今仁和垸在縣南恐志
有誤郭筠仙以爲黃華故城甄云垸堤東北稍高
如阜土人名爲黃華嶺卽城之遺址也案宋元徽
二年始分益陽羅湘西置湘陰縣大明間尙未立
縣今垸或是羅故城邪

何氏甄文

長一尺三分廣五寸三分
厚一寸七分正書藏子家

何氏墓

在甌端

泰始六年立

在甌側

又

長一尺四分廣五寸二分厚一寸六分正書藏予家

何氏墓

泰始六年立

文同前甌惟年作季爲異耳下端有一泉幕郭內四出按晉武帝宋明帝均以泰始紀元晉書杜預傳太康元年正月進逼江陵吳督將伍延僞降而列兵登陴預攻克之既平上流於是沅湘以南至於交廣吳之州郡皆望風歸命是武帝初年長沙尙未屬晉此蓋宋明帝之泰始也至宋氏帥趙廣前蜀陳道養亦號泰始可決其非漢武帝及僞漢

侯景建號太始太泰可通用而皆無六年

南齊

永明甄文三種

桓氏甄

長一尺八分寬五寸四分厚一寸七分正書藏子家

齊永明三年

在甄端

桓幽州八世孫之墓

在側

一長廣同前上厚二寸五分下一厚一寸二分正書藏子家

齊永明三年

在端下

甄題桓幽州八世孫而不詳何人蓋附葬於先代之塋者官階卑末以先世顯秩標之志銘中恆有此例漢桓榮墓在首山之陽不在長沙晉書桓彝

傳云漢五更榮之九世孫也父顗官至郎中元和郡縣志唐書宰相世系表皆云榮八世孫彝與傳歧異總之彝爲晉明帝時人時代遠隔彝之族亦無官幽州者則非榮之苗裔矣魏桓階吳桓彝晉桓陵桓雄皆籍長沙徧檢諸傳無任幽州其人或係贈官而史不及詳歟惟桓階傳云祖超父勝皆歷典州郡此所謂桓幽州者或卽階之祖若父然不可考矣顗出長沙石馬坡羅家冲余收得三十餘出桓幽州云云或在左側或右側紀年五字或在上端或下端或左行或右行但題紀年者尙有

一種字較小

一長存五寸廣六寸許厚寸五分正書反文藏子家

齊永明十一年

題字在甌端長沙得甌此最後琢爲研次一百五

十二

維衛尊佛背題字

拓本高一尺廣六寸三行行七字
字徑七分正書在山陰妙相寺

齊永明六年太歲

戊辰於吳郡敬造

維衛尊佛

石佛妙相寺唐大和九年造號南崇寺會昌廢晉天福中僧行欽於廢寺前水中得石佛遂重建石佛高才二尺背有銘凡十八字筆法亦工案會稽未嘗號吳郡此石佛既得之水中又一人可負之而趨者安知非吳郡所造而遷徙在會稽耶

嘉泰會稽志

嘉泰會稽志載此佛作像云齊石佛像銘十八字云云案元和郡縣志云後漢順帝時分浙江以西爲吳郡以東爲會稽郡自晉至陳又於此置東揚州隋改吳州又爲越州此南齊石刻而稱吳郡則當時亦有改併之事爲諸書所未載歟

兩浙金石志

按三寶感通錄西晉愍帝建興元年吳郡吳縣松江
漚瀆口漁者遙見海中有二人現浮遊水上有奉佛
居士吳縣華里朱膺聞之乃潔齋至瀆口稽首迎之
二人隨潮入浦漸近漸明乃知石像便舁還通元寺
看像背銘一名維衛二名迦葉莫測時代而書迹分
明舉高七尺是則維衛像本在吳郡通元寺好事者
因就其地模造迎歸供養耳

越中金
石記

按杜氏引感通錄所載之石像既云莫測時代則
模造者何獨取於齊永明也其說恐非確實

建武甄文

長六寸厚一
寸一分正書

建武二年太歲乙亥九月

紀元稱建武者不下七八以干支核之乃齊明帝
明物也南齊金石絕少流傳妙相寺佛象題字外
記載闕如往歲得永明甄喜備一代典故丙子夏
煇兒在京都厥肆得此搯本寄來又多一種矣制
作頗精極似兩晉惜不知出土時地與夫收弄之
家也

會稽王甄文

長一尺一寸二分廣四寸厚
一寸四分正書反文藏予家

缺

元二丰太歲庚辰會稽王墓

齊永元二□□□□辰會替□墓

一甌斷缺一甌半蝕合而審之乃得其全永元東
昏侯年號會稽王不知何許疑是蕭氏宗支上端
有蚪龍形丙子出長沙丁丑得之

八瓊室金石補正卷十終

八瓊室金石補正卷十一

太倉陸增祥撰

男 繼輝校錄

吳興劉承幹覆校

梁

太祖建陵二闕

各高二尺三寸廣四尺一寸五分四
行行二字字徑七分餘分書在丹陽

太祖文皇帝之神道

此面闕

太祖文皇帝之神道

此東闕
反文

梁太祖文皇帝神道碑在丹徒縣之三城港文帝陵
下鎮江志云歐公集古錄以為宋文帝碑非是蓋宋

文帝自葬蔣山見於沈約宋書明甚第見此八字與
宋文帝諡號偶同遂指以爲宋帝而不知其爲梁武
帝之父追尊之號亦同

輿地碑
記目

此梁武帝父順之陵闕也其正刻一石見歐陽集古
錄而誤屬宋文帝王象之曰爲舉正宋以後遂逸此
反刻一石昔人未有言者同治八年春獨山莫友芝
始并訪獲猶逸正刻太祖皇三字婁楊葆光乃蒐出
合之九年秋九月辛卯友芝來觀題記

此刻在東
闕右上角

右建陵二闕在丹陽石旁鐫梁建陵西闕梁建陵
東闕字并莫友芝題記四行案梁武帝以天監元

年追尊父爲文皇帝廟曰太祖

王世成造象記

高廣不計記刻佛座十四行
行字不一字徑二分正書

天監五年歲次丙戌正月廿八日弟子王世成爲亡父

母敬造玉象一軀

右象不知所在梁武帝以壬午四月稱皇帝號天

監天監五年當北魏正始三年

天監甄文五種

一長四寸三分厚一寸七分
正書在陽湖呂氏

天監七年丙午

一 長一尺廣五寸四分厚一
寸六分正書藏予家

天監八年虞氏

一 長一尺一寸四分廣五寸一
分厚一寸七分正書藏予家

梁天監八年虞

一 長一尺一寸六分廣五寸五
分厚一寸六分正書藏予家

梁天監八年虞氏

右三額同出一壙虞氏世葬歷宋至梁未易其地

甲戌夏出長沙

一 廣五寸三分厚一
寸七分正書

梁天監十年

鄱陽王蕭恢題名

高一尺六寸廣一尺四行行字不
一字徑二寸許正書在四川雲陽

天監十三年十二月鄱陽王任益州軍府五万人從此
過故記之

梁書鄱陽王恢字宏達太祖第九子天監元年封
鄱陽郡王十三年遷散騎常侍都督益甯南北秦
沙七州諸軍事鎮西將軍益州刺史使持節如故
此題名正其之鎮時也十七年去蜀普通七年薨
於荊州贈侍中司徒謚忠烈戊寅十一月繆筱山
太史自蜀寄貽

附 田某題名 廣三寸二行行字不一
字徑寸許正書在左

元祐八年十二月廿七日田□□遊此記之

田某名下一字似壁

附 鄭子思等題名 高同前廣七寸四行行十字字
徑一寸七分書在兩刻之間

嘉定九年花朝前七日同郡鄭子思為拂塵於六百九

十八年之後同游王成巽趙錦夫侍行德顯夫麟

趙錦夫宋宗室也侍行德顯夫麟蓋德麟顯夫之

誤亦宗室

安成康王蕭秀東碑額

高一尺四寸五分廣一尺八寸四分五
行行三字字徑三寸許分書在上元縣

梁故散騎常侍司空安成王之

是碑兩面俱漫剝無字僅題額可識莫友芝識

安成康王蕭秀西碑額并陰高廣行字與前碑同

梁故散□常侍司空安成康王□碑

碑陰高八尺三寸八分廣四尺二寸廿一列列六十四行行字不等字徑五分正書幸編載卷二十六

□條使持節□□徐兗二州諸軍事缺條持節三字□史宗

央全缺此□□參軍馬□師缺參軍馬三字□□軍沈崇

蔚缺軍崇二字沈誤作蔚□曹參軍虞列全缺面曹參軍王暉缺下四字

行參軍□□主簿□□之三字全缺主簿□□□二字全缺

別□□事吏劉慧五字全缺別駕□□吏威朱甄別駕吏三字全缺

西曹□□□山標曲曹山三字缺議曹從事□宏議誤作而劉茂

昌缺劉字上弟一列以西曹脩行徐雲缺雲字水□□延之

缺下二字戶曹□□建宗缺上二字刑□□□缺刑字此西

曹吏表□念秦誤湯靈季缺季字西曹吏□令缺令字西

曹吏徐道度缺下二字以上弟二列西曹吏時□洪缺時洪二字此十一行

□曹吏□□□曹吏□□□此十二行十三行俱缺曹字西曹

吏葛□□此十四行西曹吏□道此十五行西曹吏

王榮真此十七行西曹吏唐慧明缺唐慧二字劉道茂缺茂字

余達之余誤作桑韶明韶誤作聰方□之方誤作刁西曹吏□道珎

缺下二字□□吏□文缺文字上弟三列以梅令先缺令字西曹吏

□□全缺此西曹吏□文豪缺下西曹吏朱道□缺下

□玟合缺玟朱玟龍缺上周彦先缺彦□捷公缺捷以上

第四吏吳□道缺吳道二字在吏黃思仁缺下吏朱□

之缺之字以上第五列以吏□僧達缺下吏□□孫缺孫字其弟

吏荀□風缺荀吏王僧缺僧潘公鈞缺鈞董道虱虱作純

吏□□臻缺臻字以上第六列以吏徐□缺徐字在吏孫□缺孫

吏張之後吏陳榮宗缺宗吏儲桃將缺將吏擲令□缺令吏

劉□盛缺劉吏闕道德缺道吏□□祖缺祖字在吏闕

以上弟吏□道念缺下二字在吏吏周□□缺周字

七列吏朱□之缺之字在吏陳文陽缺下三字在陳文展

列吏朱□之缺之字在吏陳文陽缺下三字在陳文展

吳興劉氏

吏猛 猛誤恤 以吏趙曇缺曇字在陳天乞前 吏葛慶孫缺葛

字吏章缺章字在吳遵緒後 吏盛觀缺盛字 以吏僧勇

字缺僧 吏袁曇智缺曇字 吏劉雙兒缺兒字 吏庄缺庄字

平吏陳與缺與字 以吏胡玟度缺度字 吏火法季缺下

前吏張引之缺引字 吏魏法琴缺琴字 吏文梗 缺便 吏費

字馬羊缺馬字 吏何道規缺規字 吏文思 缺下二字 吏敬明 缺敬

字吏傅仁慧 缺傅字 吏徐功缺下二字 在末弟二吏

前 缺前字在吏 吏劉道全 吏悄國龍缺下三字 吏從係

舟缺從字 吏陸曇之曇誤 吏景之 缺景字 吏煩之 缺煩

字吏錢牟子缺牟字 吏朱缺朱字 吏鞠僧缺下二字 吏陳

休缺休 吏張缺張字在虞道降前 吏王天恩缺恩字天

誤吏邢孝孫缺邢 吏陳靈宰缺靈字 吏宋申缺申字 □□□

興缺 □□□ 惠缺 此二行在宋申後 吏□□□ 濟缺濟字

道季 吏□□ 道顗全缺在吏朱 吏王道舉缺舉字 吏張靈期

後缺期 吏邢樹圪缺下 吏尤僧缺僧字 吏王僧缺僧字 吏王僧缺僧字

第十 吏王門缺門 吏周□ 生周誤 吏朱國民缺民字 吏蔣

羽缺羽 吏談宏龍缺談龍二字 吏朱元祚缺祚字 吏武道□

上缺武字 以黃門 泰缺門字 湯憑全缺在王 吏陳天重

字缺天 吏夏季缺季 吏楊缺楊字在魏門 吏潘携缺潘字 吏

夏□ 先缺夏先二字 殷休祖缺殷字 以吏□ 僧度缺

字

吏莊僧僧

缺下

吏張龍鎮

缺鎮

吏范鄰

缺鄰

慧

珎

缺慧

吏

捷祖

缺捷

殷

缺殷

字在

吏曹令

缺令

字

當

缺當

慶祖

缺慶祖

令

後

以上

此二行在曹

吏姚

字

文成

缺下

吏黃

生

吏孫令宗

缺宗

吏黃石席

字

吏

字

吏郭後之

缺之

吏范延之

缺之

吏洩元

缺元

吏

字

吏

字

周天與

缺周字

吏黃

宏道

吏武起

缺武

吏徐

字

吏

字

梁和

武起

後弟

此二行在

吏

文祭

缺祭

吏

字

休

吏任泰伯

缺下

第二

二十列

以

結

吏陳道

字

吏

字

吏錢

顯

此後一

道賜

吏周道欣

吏黃仁

吏高文起

吏陳道產

吏趙景寅

吏袁法多

吏高文起

吏劉蒜 吏韓珎之 吏舉文休 吏梅師寶 吏

吳顯公 吏陳牧之 吏華天叙 吏陶盛 吏代

朱 係世 之 吏王 此後一吏下

此後三吏下 吏 之 余 文巷 吏

區作 吏 一行全泐 文木 景苻

道合 道 赫 吏楊珎 許

霏之 吏邱重 此後十四 吏 下泐在廿行 吏 下

体 吏 下泐 吏 下泐 吏 下泐 以上弟

安成康王碑文已摩滅獨其額存正書在上元縣碑

陰正書 潛研堂金石文字目錄

上元黃城村東北甘家巷有二碑屹立田中其一全泐一額云梁贈侍中司空安成王之碑文爲風雨摧殘剝落已盡喜其中隱約有孝綽數字可辨蓋即王厚之復齋碑錄所載故州民前廷尉彭城劉孝綽撰吳興貝義淵正書之碑也按王名秀字彥達太祖第七子與始興王同母以孝弟聞於時官中衛將軍都督郢司霍三州軍事尋遷雍梁南北秦四州軍事多惠政天監十七年薨於竟陵謚曰康歸葬京師故吏夏侯亶表請立碑詔許之于是名士遊王門者王僧孺陸倕劉孝綽裴子野各製其文欲擇用之而咸稱

實錄遂四碑並建從古所未有也然王陸等作金石家未見論及豈其剝蝕尙在此碑之前歟 碑陰正書分六列紀故吏人名今止三十九人姓氏可辨者中多希姓亦可資博雅之小助云

江甯金石志

傳天監元年封安成郡王十七年薨贈侍中司空諡曰康此碑額書散騎常侍而不書侍中與始興忠武

王碑額異

平津讀碑記

是碑六朝事迹謂劉孝綽文貝義淵書者今文已漫剝盡唯額與陰略可讀

莫友芝識

萃編載卷二十六以此爲始興忠武王碑陰誤矣

碑凡廿一列萃編遺其末列餘亦多所闕據石正之江甯金石志載此碑陰所見者僅六列顧亦有今所已泐者夏令孫上爲西曹脩行四字朱□興中爲政字洗之上爲潘字虞玟下爲緒字附識之其所記額字與今本不同何邪希姓如宏悄絳皆不見於姓氏書宏當即洪悄疑即稍絳疑即牟或絳之譌

樂記室甌文

長一尺一寸寬五寸一分厚一寸
六分字徑一寸正書反文藏予家

梁普通元年

普字缺一畫側有等飾

又同前正書與前
鳳相間成壙

樂記室墓

墓字少一畫側作虬龍紋四爪皆具

又長廣同前上厚二寸五分下厚
一寸二分字徑寸許正書反文

梁普通元年在下
端

此甌通字中畫貫穿側無等飾甌凡三種出長沙
圭塘北沖月亮坡王氏民居之後歲久水衝墓圯
上人爭取售值每種各得十餘由色赤質堅琢爲
硯細潤可愛案蕭業以天監二年襲爵長沙郡王

墓中人蓋業之屬官為記室參軍者

始興忠武王蕭憺碑

普通三年十一月八日
萃編載卷二十六

弟一行全泐

富是標題

公諱

字僧

達南

徐州

蘭陵郡

蘭陵

縣都鄉中都里人

下勳以意度之當有

祖文

之少子

今上之

季弟

光

盛

盛

盛

盛

盛

盛

盛

盛

盛

河海而為浚抗

闔而同隆

天乙降元

鳥

以上

天字

以上

天字

以上

天字

以上

金缺又

微子

駕白馬

而君宋

各三字

爰初啓姓

缺爰姓

二字

二字

二字

二字

宴惟建國

寔誤是缺

建國二字

文終

德

冠羣后

少

傳

儒雅

一時積

以上

葉

下十二

字全缺

以上

弟三行

以上

以上

以上

以上

以上

以上

□□命世□□□□並□□功齊之初□□叅□

書天府

書字以上全缺又缺天字

仁義為基

基缺仁義三字

厥後斯大

缺厥斯大

三爰集寶命

缺爰寶二字

興我

□家

缺三字

盛德之風

缺盛德風

三於斯乎在

缺上三字公稟

五緯之純嘏資三才之□靈□

高明之□儀□

資三明之四字外全缺以上第四行

□□□□□□□□

英□厚□□□□□□□□□□之歲早有令

德□□之□□□□聰敏率由孝友

友字外全缺

目心敬讓

字時年數歲

年字外均缺

所生吳太妃

缺兩字如

公衣不解帶

累日□□

逮

乎□□毀瘠過禮慕兼樂正哀甚願□多

恭□即閑

衣不解帶四字外全缺以上第五行

□□□□□□□□□□

□□□□同□□□之□□□合輔之量及□□□□

□□功倍衡經問道匪扶自直室迹人遐室迹人三字外全缺始

登冠禮旋膺府命府字外全缺□任法曹俄遷外兵優遊戎

佐談詠而巳齊德將昏人□衆遊戎佐詠齊五字外全缺以上第六行□

□聖□□□□念拯生民□□□□□□□□與

第八兄南平□□□□所歸□□□從興風雲之會

風雲之會外僅載念字餘俱缺乘天地之符□□□將□□□臣

十亂之□□□八之雄綬橫上略缺符將亂之四字

以上州制命荆陝以公為冠軍將軍缺制命荆陝西

中郎諮議相國□事中郎事四字中郎缺而相國□王權輿連旗面

土義師□動韻行天罰公與南平王留守雍部南平守部四字

外全于時四海宅心八百骨會缺時四海八四字又骨誤作脅而庶惡

之缺庶惡二字以上弟入行□□□天□□化□□服猶昏猶字

外俱梗我王路王字外俱缺公弼諧□□鎮撫閩河公字外全缺

影勢南平缺上二字顏僧都缺僧字裴師仁□□□郡缺裴字郡字

公毗贊訐謨公誤作必以上弟九行二賊烏窠及蕭瓚魯休烈缺上

四字又瓚魯二字來履上明缺下二字內外恒然缺恒字以公式遏有

方□□□寄缺有方寄三字爰下璽榮缺爰璽二字榮即策字誤作榮以上第十行

□□□□□□□□□□何除侍中右將

軍行荊州事公運以英規以英二字外全缺七州底定缺州字以上

第十行 荆州刺史

承天革命

□
□
□
建

承字外全缺
又華誤作業

維城大啓

缺下
二字

公勲燕望爽親

惟魯衛

親字

胖
宇
南
服

字缺胖

江漢之紀寔惟南國紀

紀缺

字寔
蠱
𧈧

避避
pǐ pǐ

巴巫

上生作巫
第十二

行以

--	--	--	--	--	--	--	--

列鎮揔替之任寔曰允諧

全缺，以上

三弟
行十

11

弗□□□□□□□□□□□□□□□□

嬰城固守

命餘全缺

無俟兵卒之勞

上缺無字
第十

匪以

以齊相之翳乘以古方

今豈能及此振仁風乎

□水以古方今豈五字外全缺又水誤作外

被茂

澤

字缺

垂堂

上堂作堂
吊十堂

五
行以

親版

策

之勞吏民憂

1111

□□□□色方□□□□城購□□金所活甚衆□及

□□□境歎服歎服二字德之攸威缺感綰髮缺緒字

弟六行蒞□貞□□□聞□□□七年丁慈母陳太妃

憂水漿自憂字以扶而後起中旨慰喻共旨喻三字宜

盡綏輯頻表自陳反復苦次缺輯頻毀痛踰□缺痛字

弟七行十年十二月以本號還朝改授平北將軍護軍將

軍領石頭戍事又詔都督北討衆軍自又字以上全八

年□□中書令缺八年續領衛尉卿公超事紫居缺續

居四絲論惟序矜帶以清缺惟序八七題謚缺七千廕

字據作廕以都替南兖南北徐青兖五州徐五州三字外全缺南

兖州刺史說南以太妃憂服未闋固辭□□北括□□

南□楊楚刑繁訟擢以服二字公登車攬轡缺登攬轡三字能

迹迹作垂蔭垂誤乘以上第九行井絡金誠乘傳述□□□其

選傳述二字面□□滿北指秦川缺西滿二字弓奠万缺

魚二字以□□千□□□□□□□□□□□□

上第二行□□□將□□□□□百□□□司

公命旅授師筭無遺榮戒途匪日□□道過□□

□□不聞□子□於谷口百道過不於五字外全□□

□□□□□□□□□□□□□□□□□□

□□□□□□□□命□□子□□侯□□□諸生率先

胃子擁經受業□□□□□□乃□□□□□□

□□□□道則□夫咲之則字外全缺侍都替荆湘

□□□□南北□八州□□□□□□□□□□

□□之□□□□□之珍□□□□之日舉賢□□□□

□□□□□□□□□□□□□□□□易

□之規□□□□莫不改過明□□校肆習生侍莫不改過五

字外全缺上弟廿三行 以徒孫□荆山□□水□□□□

□□□□□□□□□□□□之□□□□師□□

□□□□□□□□□□□□□□不□□□□□

□□□□□□□□□□十七年第七兄司空安成康王薨

安成康王異體六字外愛尤關□慟□□
全缺以上第廿四行

石澗三司領軍將軍

以上在夙夜匪懈之上全缺
無怠缺無字
上弟廿五行
以宏濟

石
字
泐

☐☐☐☐☐☐☐華夷永☐☐☐☐☐普通三年十一

月字之上全缺
以上弟廿六行

慮貶神和口不稱剥

缺貶和
剥三字

呼衣帶然歸

□□不□□□□□□□□□□中□□□□□□□□□□

□□□□□□□□□□□□□□□□□□□□□□□□□□

□□^勞□佐運始^{以上全缺}以^{上第廿七行}劬勞蕃寄^{缺蕃字}方□

位論道宏□□關^{缺論宏三字}飾終□□□□惟□□□□□□□□

□□□□□□可贈侍中司徒驃騎將軍□如故^{給班劔}

卅人羽葆鼓吹一部謚曰^{謚曰二字}公極心^{極作棲}

入機神妙極斧藻英華^{缺機英華三字}終存勿擾^{缺終}

字化行江漢功宣其利鑒□其朗^{缺江漢功宣利鑒朗}

行鹽梅^{缺鹽}苦空^{苦誤}道俗^{影附}附^{缺下}譽穆愜吏自□

□潛光鹿苑^{駸駕}譽穆愜^{三字外全缺}灑泣無寄^{缺無}

以上弟等山岳而無尉岳誤川尉誤尉誤道藹閒平閒缺

世一行若恂捺兵缺捺字以上弟世二行雲雷利建缺建車服以庸誤

有宏闡聖化缺闡字以上弟世四行賓御缺御罔字式雕元此

原脫一字萃編作一宣惠將軍缺惠吳郡張明監作

缺郡明以上弟世六行丹楊賢三字吳興郤元明石郤誤

石字以上弟世八行後空一行其弟世七行亦空無字

右始興忠武王碑文漫漶失其大半諦審之尚有千

三百餘字其額云梁故侍中司徒驃騎將軍始興忠

武王之碑凡十七字獨完好梁時定官品為十八班

班多者為貴司徒十九班侍中十二班而結銜侍中

在司徒之上蓋其時以侍中爲親要之任出入帷幄
與參大政儼然居三司右矣

潛研堂金石
文跋續編

右碑在上元花林之東黃城村侍中尙書右僕射宣
惠將軍東海徐勉造吳興貝義淵正書按王名憺字
僧達太祖第十子居母喪過禮哀感旁人聞兄安成
成王薨哭泣不飲食者數日傾財產賻送天下稱其
悌史稱王有佐命之元勳利民之厚德故其還朝也
民歌曰始興王民之爹赴民急如水火何時復來哺
乳我葬于普通三年十一月諡曰忠武碑文與史傳
大略相同惟封始興郡王食邑三千戶碑作二千戶

耳金陵承六代之餘然其時碑碣流傳者絕少獨此
與安成王碑蕭景石闕未與寒烟野草共銷滅于三
山二水間若非神物護持未必得傳於今也碑中包
含作苞含黎氓作黎氓式閭作軾廬圖形作罍刑儀
型作儀刑麟作麟同國策而異他經又陳作隙暴作
暴堂作堂瘠作瘠自即身字儒即儒字亻从彳广从
疒皆古胥字銘中原落一字竟未補註觀見古刻每
有落字或註于旁或竟不補蓋當時書丹于石者多
故時有此誤耳

嚴觀江甯
金石記

碑約三千餘字金石萃編僅辨十之三此拓本視王

氏多百餘字銘詞式雕元下無殘泐痕似書碑者脫

一字

平津讀碑記

梁蕭憺東碑其陰無刻字蓋其西碑亡久矣金石萃

編乃以秀西碑陰誤爲此碑陰

莫友芝識

萃編闕漏甚多茲據石刻參以李氏校本計格補

錄並正其脫譌如右又萃編以蕭景碑額爲此碑

之額以此碑額爲碑之首行而復別載蕭景碑額

於後且以蕭秀西碑陰爲此碑之陰而所引復齋

碑錄南史二條又皆係蕭秀碑跋何舛謬若是邪

江甯金石志錄此文較萃編更少錯誤亦多哀瘡

在口嚴氏作自謂自即身字今碑已缺泐王氏作
皇皇字固恐非是身之作自亦未見於它碑闕疑
可耳

臨川靖惠王蕭宏二闕

拓本西柱高二尺五寸三分廣三尺五行行五字字
徑二寸五分東柱高二尺五寸六分廣三尺四分行
字同左行俱
正書在上元

梁故假黃鉞侍中大將軍楊州牧臨川靖惠王之神道

西闕

梁故假黃鉞侍中大將軍楊州牧臨川靖惠王之神道

東闕
左行

右二柱在上元縣東北北城鄉張庫村去朝陽太平
兩門各二十五里而近宋以來未有箸錄同治戊辰

八月始訪得之

莫友芝識

此蕭宏闕也梁書有傳宏字宣達太祖弟六子天
監元年封臨川郡王普通七年四月薨年五十四
贈侍中大將軍揚州牧假黃鉞王如故諡曰靖惠
此闕當立於普通七年也靖與靜同梁書宏傳前
作靜後作靖又案江甯金石待訪目有此二闕云
在江甯北城鄉目見復齋碑錄莫子偁謂未有箸
錄者殆未見其書耳至補訪碑錄謂宏卒以普通

四年七月贈官諡則四七二字互譌矣武帝本紀
普通七年四月乙酉太尉臨川王宏薨與傳同通
鑑目錄是年四月己巳朔則乙酉是十七日

大通造像題記

象高二寸二分題字在圓光之
背兩行行四字徑二分餘正書

大通元年造像一鋪

南康簡王蕭績二闕

各高二尺一寸廣一尺三行行七字字
徑一寸五分正書東闕左行在句容

梁故侍中中軍將軍開府儀同三司南康簡王之神道

西闕

梁故侍中中軍將軍開府儀同三司南康簡王之神道

東闕
左行

此蕭績闕也績字世謹高祖第四子天監八年封
南康郡王出爲輕車將軍領石頭戍軍事遷使持
節都督南徐州諸軍事南徐州刺史進號仁威將
軍徵爲宣毅將軍領石頭戍軍事出爲使持節都
督南北兖徐青冀五州諸軍事南兖州刺史徵還
曹嘉樂等乞留之進號北中郎將尋徵爲侍中雲
麾將軍領石頭戍軍事出爲使持節都督江州諸
軍事江州刺史丁董淑儀憂攝州任固求解職徵

授安右將軍領石頭戍軍事尋加護軍大通三年
薨年二十五贈侍中中軍將軍開府儀同三司給
鼓吹一部諡曰節此關所題蓋贈官也關當立於
大通三年大通三年即中大通元年武帝本紀是
年閏六月己未安右將軍護軍南康王績薨改元
在十月故傳稱大通三年通鑑目錄是年六月辛
巳朔七月庚辰朔己未非閏月九日即十日也江
甯金石待訪目有南康簡王蕭績碑云在上元神
泉鄉目見古金石攷績蓋績之謚

大同甄文三種

一廣三寸七分厚一寸七分字
在甌端正書在陽湖呂氏

梁大同元年

一廣五寸厚一寸六分字在甌端正書

大同元年

遼太宗亦號大同以字勢審之其爲蕭梁時物無

疑

一長存四寸三分廣五寸三分厚一寸七分字在甌端正書藏予家

梁大同五年作

甲戌夏兒子繼德購於吳市已琢爲硯面有小園居士長物六字在側鑿飾下鐫思無邪齋詩硯六

字均篆書上端橢圓題分書六行銘云質如石色如鍊范丐骨鯁徐勉風節追之琢之匪翫物是適周閑白□

宮容造象題字

象高三寸五分座高一寸二分字在座背蓮瓣上六行行二字字徑三分許正書在太倉錢氏大同二年五月一日宮容敬造

右象舊藏漢陽葉氏今爲吾甥錢伊臣所得

凡十四區此爲最古其姚呈祥楊紀兩造象無建元年月字亦不古不錄并識之

慧影造象記

蓮座高一尺六分題字在象背
七行行字不一字徑五分正書

梁中大同元年太歲丙寅十一月五日比邱釋慧影奉
為亡父亡母并及七世久遠出家師僧并及自身廣
及六道四生一切眷屬咸同斯福

乙亥十月得此拓本下方有石門李嘉福鐫題分
書云同治七年得於吳門

安慶造象題字

高蓮座三寸五分字在蓮座上平面環列
十九字字徑二分餘正書在大倉錢氏

大寶元年二月廿八日安慶為亡父母敬造一區

建安敏侯蕭正立二闕

各高一尺四寸五分廣一尺四寸四行行
四字字徑二寸許正書一左行在句容

□□侍中□□□□□□□□□□侯之神道

梁故侍中左衛將軍建安敏侯之神道

此闕左行

右蕭正立二闕同治戊辰冬在句容訪得之西闕
曼患殆甚賴東闕尙存猶可辨識原籤題云蕭正
立闕案梁書正立臨川王蕭宏之弟五子也初封
羅平侯立爲世子宏薨正立表讓正義爲嗣改封
建安侯附見宏傳者只此數語而已南史所載較
詳云正立字公山後位丹陽尹薨諡曰敏餘與梁
書同其爲侍中左衛將軍史所不載亦不詳其卒

年江甯金石待訪目云梁故侍中左衛將軍建安
敏侯神道二石柱正書在清化鎮目見復齋碑錄
新渝寬侯蕭暎西闕

高一尺七寸廣一尺三寸三行行
五字字徑二寸正書左行在句容

梁故侍中仁威將軍新渝寬侯□□□

東闕已佚同治十年始訪得於茅山攷南史暎始
興忠武王蕭憺之子也暎字文明普通三年封廣
信縣侯嗣改封新渝縣侯爲吳興太守又爲北徐
州刺史後厯給事黃門侍郎衛尉卿廣州刺史卒
諡曰寬此稱侍中仁威將軍當是贈官史未及詳

江甯金石待訪目云仁威將軍新渝寬侯神道目見復齋碑錄石所缺當是之神道三字

殷氏甄文

長一尺一寸三分寬五寸四分厚一寸七分正書

大梁太歲癸丑殷氏墓

題字書干支不書建元案蕭梁五十六年惟曰大通五年歲直癸丑其時並無事故不應不書建元後梁三十三年不直癸丑癸丑爲隋開皇十三年後主蕭琮已亡六載矣以意度之蓋梁人之歿於隋者幽都府路縣令邊敏墓志蓋題曰唐而志文

卒書丙戌不書天顯元年葬書庚申不書建隆元年左武衛中郎將石暎墓志蓋題大漢而志文於卒年缺其干支於葬書甲子不書乾德二年此輒正與之同梁亡而仍系以梁示非隋臣之意惜其名不可攷矣或以屬之中大通五年亦無不合惟時無他故何以不書建元六朝尙少此習輒出長沙圭塘質脆理疏收弄七八由多破損不全完善者僅此耳

陳

趙連成造象題字

背座高三寸四分題字在蓮座背八行行三四字字徑二分餘正書在新城楊氏

永定元年歲次丁丑十二月一日弟子趙連成爲母敬造佛像一區

永定元年陳武帝即位之初年梁敬帝太平二年十月禪位於陳十月以前尙是蕭梁像造於十二月一日陳建國號末周兩月也是年正月西魏亦亡宇文周代之九月明帝即位在北齊爲天保八年在後梁爲大定三年

馬忠造象題字

連座高三寸四分題字在蓮座背十行行三字末二字字徑二分餘正書在新城楊氏

天康元年二月廿四日仙弟子馬忠為亡父母敬造象
一區眷屬人口供養

天康元年文帝在位之七年是年四月帝崩子伯
宗立其明年改元光大像造於二月尚在文帝時
也陳金石世無流傳趙撫叔謂聞有得臨春閣專
文為至德四年今詢人無知者則亦懔恍之詞也
余乃得見此造象二種足備一小朝遺文矣

八瓊室金石補正卷十一終